

le cosse a ditto Consejo deputade, *videlicet* stato pacifico, monede, sodomia *etc.* *Item*, come sarano stà alditi aleuni da do man di cai, si fazi nota e sii repudiati.

Erano capi sier Zuan Francesco Pasqualigo, sier Lorenzo Zustignan e sier Zorzi Corner el cav.; et ditta parte a di 29 septembrio da matina fo publicà in gran Consejo. Fo optima diliberation, perchè era tante persone davanti i capi, perchè in ogni cossa se impazavano, ch' era un gran numero.

Di Roma, di 22, vidi una lettera scritta per Antonio di Bibiena a Piero suo fratello, è qui a Venecia. Il sumario è questo. Come introno in conclavi a di 16, e fino a di 21 non feno alcun scurtinio; e in quel zorno comenzono a farsi, come apar per la poliza notada qua di soto. E veduto Roan che lui, ni Napoli, ni San Piero in Vincula non giongievano al papato perchè spagnoli per niente non li voleano, e il cardinal di Medici si adoperò con Laschari, qual intrò in lo conclavi, che, cercha a hore 7, lo reduse con tuti li soi a dar li 46* voti al cardinal di Siena, quale havia li spagnoli e li diaconi zoveni. E insieme Roan e Medici a brazo andono da Siena a dir che lo voleano far papa. E visto che Roan callò, ciaseun andò a visitar Siena papa nel letto, e durò questa cossa fino a zorno. E a di . . . fo ditto la messa e si fece il scurtinio, e ogniun diede il voto suo a Siena, cercha hore 14, et circha 15 1/2 fo publicato e portato in San Piero, dove con summo contento et approbatione di tutto el popolo e corte e di signori oratori, fu adorato. Si chiama Pio III°. Li conclavisti di diaconi lo portano la prima matina. È vecchio e infermo d' una gamba malamente; non à fato gratia alcuna; doman le farà. Santa Prassede è stato apresso al papato, e se Roan, come voleva Voltera l' havesse voluto, gli reussiva. Si dice el Medici sarà palatino, e che lui l' ha fatto papa; e si tiene el papa sarà neutrale. *Item*, si dice el ducha Valentino era andato a Civita Vecchia, e se n' andava a l' armata e francesi per timor dil signor Bortolo Alviano, qual era verso Aviano con assa' miara di persone. Et Zuan Zordano vene con Roano et mandò a piar la caxa di Campo Fior, e fece ussir il governador di Roma con dir che la voleva per se.

*Scurtinio fato in conclavi,
a di 21 septembrio.*

14. *Napoli.* Capaze, Flisco, Farnese, San Severin, San Zorzi, Alexandrino, Medici, Grimani, Corner, Rechanati, Lisbona, Vincula, Roan, et Benivento.

15. *San Piero in Vincula.* Capaze, Como, Libret, Farnese, Cesarin, San Zorzi, Santa Praxede, Medici, Grimani, Corner, Bologna, Recanati, Lisbona, Napoli e Benivento.

6. *Lisbona.* Libret, Santa Praxede, Santa Croxe, Recanati, Napoli, Vincula.

8. *Santa Praxede.* Flisco, Santa Croxe, Alexandrino, Lisbona, Vincula, Benivento, Borgia, Helua.

8. *Alexandrino.* Agrigentino, Capaze, Como, Flisco, Siena, Farnese, Santa Praxede, Napoli.

12. *Santa Croxe.* Agrigentino, Trani, Cosenza, Capaze, Casanova, Grimani, Salerno, Surento, Arborense, Legionense, Colona et Borgia.

13. *Agrigentino.* Capaze, Trani, Cosenza, Casanova, Santa Praxede, Santa Croxe, Salerno, Surento, Arborense, Legionense, Colona, Borgia, Helua.

13. *Roan.* Voltera, Como, Flisco, Libret, San Severin, San Zorzi, Medici, Aragonia, Bologna, Vice cancelier, Napoli, Vincula e Benivento.

Scurtinio, a di 22.

Siena, con tutti li voti concordi, papa. Li altri, chi ne ha auto 4, chi 5, et chi niuno. 47

A di 29, fo el di de San Michiel. Fo la matina gran Consejo. Fu posto di far la zonta. Ave 56 di no. *Item*, fo Butà el primo di la paga di marzo 1473: tochè a San Polo.

Da poi disnar fo Pregadi. Fono electi 3 savii di terra ferma, sier Lorenzo Zustignan fu savio a terra ferma, q. sier Bernardo cavalier procurator 121; sier Batista Morexini fo savio a terra ferma, q. sier Carlo 129; sier Zacharia Contarini, el cavalier, fo savio a terra ferma, 119; soto sier Antonio Zustignan el dotor è ambador a Roma, 116, qual non podea intrar.

Di Roma. di 25. Di bone parole dil papa verso la Signoria nostra, et coloqui habuti con esso orator nostro. *Item*, che francesi tutavia passavano il Tevere per li ponti fati, *videlicet* 1000 homeni d' arme, 1000 cavali lizieri, et 5000 fanti. Yspani a l' incontro sono 900 homeni d' arme, 1000 cavali lizieri et 7000 fanti, e il gran capitano in persona; sichè si tien sarano a le man. Di la qual cossa francesi mostra averne gran voja. E che il marchexe di Mantoa fo in Roma a basar il pe' al papa e parlò a l' orator nostro.

Fu posto dar il possesso al reverendo domino